

اسم الله الودود | #أسماء_الله_الحسنى | د. حازم شومان

حازم شومان

الحمد لله وكفى وصلاة وسلاما على عباده الذين اصطفى. اللهم لك الحمد كله ولك لك الملك كله وببيدك الخير كله واليك يرجع الامر كله. اللهم صل على عبدك ونبيك محمد صلى الله عليه وسلم. في الاولين - 00:00:00

اخرين وفي كل وقت وحين. اما بعد اخواني واحبابي في الله المرة اللي فاتت في اسم الله التواب خدنا ان اللي بيتكسر ممكن يتصلح. ولكن هو ده اخر العطاءات مع ربنا سبحانه وتعالى ان اللي اتكسر بس يتصلح ولا مع ربنا كل يوم فيه جديد كل يوم هو في شأن كل يوم - 00:00:20

انت منتظر من الله فتح جديد ومدد جديد ونور جديد ومعية جديدة من الله سبحانه وتعالى. اسم النهاردة يا جماعة اسم النهاردة هيعلمك ان اعظم هدف في حياتك ان ربنا يبقى صاحبك في الحياة. ان تتخذ الله صاحباً. اسم النهاردة هيووجه البوصلة بتاعة قلبك - 00:00:40

اسم النهاردة يا اخوانا هيعلمك ازاى تستقبل الحياة تدع القلق وتستقبل الحياة ما ينفعش. انسان يبقى اسم النهاردة في ويبقى مريض نفسيا او عنده قلق او توتر او اكتئاب او هم او حزن او غم ما ينفعش الاسم بتاع النهاردة ده ما يسكنش مع الامراض - 00:01:00
اسمي النهاردة هيعرفك ازاى طوب الارض يحبك. ديل كارنجي لما عمل كتابه ازاى الناس تحبك. قال لك ده تاني اكبر كتاب على مستوى الكرة الارضية. فلين انتشار بعض الكتب السماوية. الناس هتتجنن عشان تحب وتتحب. اسم النهاردة هيعلمك. ازاى الدنيا كلها تحبك. وقبل - 00:01:20

ايه كل ده حب ربنا سبحانه وتعالى هيعلمك ازاى تضحي عشان ربنا. اسم النهاردة هيعلمك او هيوريك ان اكبر يجليك في حياتك عند ربنا سبحانه وتعالى. اسم النهاردة يا جماعة الودود. يقول لك يا بخت من كان صاحبه راجل. النهاردة - 00:01:40
نتعلم مع بعض يا بخت من كان صاحبه الودود. يا بخت من اتخذ الله صاحبا. يا بخت من صحبه الله في الحياة يا بخت من كان صاحبه الودود النهاردة هتتعلم انك مع الودود ما تخافش من الوحدة. ما تخافش من الوحشة. ما تخافش من اي حاجة انت بتخاف منها في - 00:02:00

الدنيا حط في بطنك شادر بطيخ. هتتعلم النهاردة يعني ايه عطاءات الودود سبحانه وتعالى. لما بنقول يا ودود يا ودود. انا باطلب من ربنا ايه لما ربنا قال ساجعل لهم الرحمن ودا. يعني ايه الود ده ؟ يعني ربنا هيديني ايه ؟ لما هاقول يا ودود يا الله. الله - 00:02:20
سبحانه وتعالى هيديني ايه ؟ اول حاجة ابن عباس والبخاري بيقلوا الودود هو الحبيب. الحبيب اللي بيحب الودود يعني اللي بيحب لما بتقول ودود يعني حبيبي يا رب. يعني خليني حبيب اليك يا رب. الودود هو المحب الحبيب اللي بيحب. يا اخوانا - 00:02:40
قالوا اقوى اقوى كلمات حب في العالم هي ايه ؟ قالوا الكلمات اللي النبيون قالها جوزفين قالوا دي من اقوى عشر كلمات حب في التاريخ. وفي ناس قالوا الرسايل بتاعة تهوف اللي - 00:03:00

الي لحد دلوقتي ما حدش عارف هي مين. وفيه بقى العشاق من الملوك نجوم هوليوود لما بعثوا لمعشقيهم. وفيه الرسايل بقى والكلمات الحب كلمات الحب انما اعظم كلمات حب في الوجود. اللي ربنا قالها لعباده الصالحين. اللي ربنا يشوف الحديث. شف الحديث وامسك - 00:03:10

قلبك لما ربنا بيحب عشان كده بقول لك الاسم ده بيعدل بصلة قلبك. وبيعرفك ان فاذا احببته هي دي اللي لو حصلت هيحصل التغييرات جبارة في حياتك. كل حاجة هتتغير في حياتك. لو حصلت فاذا احببته ولا يزال عبدي يتقرب الي بالنوافل - 00:03:30

حتى احبه فاذا احبته الملك اللي حب آآ واحدة واتجوزها عمل لها ايه يعني؟ خلاها ملكة يعني معه. اي حد لما حب حد عمل له ايه يعني يا جماعة؟ ربنا اللي ربنا بيحبه عارف يعني ايه ربنا خلق لك جنة؟ عارف يعني ايه ربنا عمل لك جنة؟ يعني لو حد بيحبك ما -
00:03:50

بيحبك وجاب شقة واشتراها لك. وشطبها لك وفرشها لك. حد ممكن يعمل كده؟ فيه حد في الدنيا بيعمل لحد ما يعرفوش كده؟ تخيل انت ربنا لما ابوك عمل لك جنة عرضها السماوات والارض فاذا احبته اسمع في الدنيا. اسمع الودود في الدنيا قبل ما نتكلم عن الودود في الجنة - 00:04:10

قبل ما نتكلم عن الودود في القبر. قبل ما نتكلم عن الودود وملك الموت بينزع روحك. قبل ما نتكلم عن الودود في خمسين الف سنة. يوم ياما قبل ما نتكلم عن الودود انا. قبل ما نتكلم عن الودود في كل لحزة في حياتك وفي وجودك. شف الودود الاول في الدنيا بيعمل لك ايه - 00:04:30

اذا احببت كنت سمعه الذي يسمع به. وبصره الذي يبصر به. ويده التي يبطش بها الحياة بقوة الله ورجله التي يمشي بها. كل قراراتك تبقى صح. تسدد في كل اختياراتك في الحياة. وان سألني لاعطينه - 00:04:50

يبقى باب السما مفتوح بينك وبين ربنا. صلة مباشرة مفتوحة بينك وبين ربنا. وان استعاذني لاعيذه. فاذا احبته مين لما حبك حد قال له كده ان الله اذا احب عبدا اذا احب دي البداية. عشان كده الاسم بتاع النهاردة يا جماعة فيما عدا العنصر اللي جاي بتاع -
00:05:10

حبايب بتاع اللي ربنا بيحبهم. بتاع اللي عارفه يوصلوا لحب الله سبحانه وتعالى. ان الله اذا احب عبد لما شاب بيحب واحدة يقف في وسط الشارع وينام ادي انا باحب فلانة. او يكتب يافطة على ناصية شارع ويكتب. انا باحبك يا فلانة. شف ربنا سبحانه وتعالى -
00:05:30

المثل الاعلى ان الله اذا احب عبدا نادى جبريل احب مخلوق لربنا سبحانه وتعالى. يا جبريل اني احب فلانا انا لما باحب حد بيبقى نفسي الدنيا كلها تحبه. شف جبريل بقى ودود زي الودود. اللي يصاحب واحد شهم بيتعلم الشهامة. اللي يعبد الودود - 00:05:50
اتعلم الود في نادي جبريل في اهل السماء. يا اهل السماء ان الله يحب فلان. تخيل انت قاعد في الدرس الوقتي! تخيلي انت قاعدة دلوقتي في الدرس وما انتش واخذ بالك من حاجة. وباهل السماء كلهم بيحبوك. وجبريل بنفسه بينادي لاهل السماوات السبع -
00:06:10

ربنا بيحبك انت فيحبه اهل السماء. ثم يوضع له القبول في الارض. يعني ايه القبول في الارض؟ تدخل تكلم حد عن ربنا يقبل في كل مكان تلاقي القلوب مقبلة عليك. ثم يوضع له القبول في الارض. كفاية اما ربنا يقول للنبي عليه الصلاة والسلام فانك باعيننا -
00:06:30

انت انسان ضعيف ومحتاج حاجات كتير اوي. انت محتاج تاكل وتشرب عشان كده ربنا سمى نفسه الرزاق. محتاج حفظ عشان كده ربنا سمى نفسه الحفيظ. محتاج عزة وقوة وسند وظهر. عشان كده ربنا سمى نفسه العزيز. محتاج تربية واصلاح - 00:06:50
عشان كده ربنا سمى نفسه الرب. بس انت محتاج حاجة اكثر من كل ده. انت محتاج مشاعر في حياتك. انت محتاجة عواطف في حياتك. انت محتاج تحب وتتحب انت محتاج حنان. انت محتاج عطف في حياتك. عشان كده اسم الله الودود. الاسم اللي بيفكرك بالحب والعطف والحنان - 00:07:10

الاسم اللي ربنا بيقول لك فيه ان انت مش بس محتاج اكل وشرب. الطفل محتاج حنان. قال لك ان الانسان كل ما يكبر بيحتاج حنان اكثر ما الطفل بيحتاج حنان كل ما يكبر بيحتاج عطف واهتمام نفسي وحب اكثر عشان كده نقول للشباب اللي مسلا يجري ويبقى -
00:07:30

عن مراته وعن اسرته. يا ابني اما هتكبر هتحتاج حنان اكثر من وانت شاب خد بالك ارسوم لمستقبلك. وابني لمستقبلك. انت محتاج انت مصدق ان ربنا ودود لك انت انت اللي الارض كلها بالسما بتاعتك ما تجيش حلقة في صلاة. خاتم اترمي في صحراء - 00:07:50

مين اللي يعرف يطلقه يا جماعة؟ ده السماوات السبع كلها في الكرسي. حلقة. انت ربنا يودك انت وملائكة السماوات بتعبده ليل نهار انت عملت ايه يعني لما دخلت درس ساعة. ساعة في يوم اربعة وعشرين ساعة. ربنا يودك انت لازم يبقى عندك يقين في الودود. زي ما عندك يقين ان ربنا - [00:08:10](#)

خلق الناس دي كلها زي ما عندك رب يقين ان كل جنبه في جيب اي حد قاعد في المسجد ده من الرزاق سبحانه وتعالى. يبقى عندك يقين في ودود سبحانه وتعالى اسم الله الودود. بيسد احتياج جبار جوة نفسيتك. انك تحب وتتحب. عشان كده البخاري بيقول الودود. الحبيب - [00:08:30](#)

المعنى الثاني للودود المتحبيب. يعني ايه المتحبيب يا جماعة؟ ده بقى للمسلم والكافر. ده بقى للطائع والعاصي ده بقى للي يبصلي وللي يبشرب خمر والعياذ بالله. ما فيش حد يعني انت لو حد عمل فيك معروفين ثلاثة بتعبه. المشكلة ان كل ود - [00:08:50](#) لنا واحنا مش حاسين ولا كاننا هنا. المتحبيب يعني ايه المتحبيب؟ يعني ربنا خلق لك سما وارض ونجوم وليل ونهار. يا عم استنى بس استنى ما هو الكلام ده من غيره ما كناش نعيش. لأ مين اللي قال لك كده؟ الشمس من غيرها ما نعيش ومن غيرها الدنيا تموت. ولكن الشمس مع مشاهد - [00:09:10](#)

شروق الغروب كان لازمتها ايه؟ عينيك ايوة عشان اشوف. طب والرموش؟ اللي فوق واللي تحت؟ طب وصاحبة العين؟ طب والوان العين؟ طب حواجب. طب والشكل الجميل؟ البوق ايوة يا عم عشان اكل ما هو من غيره ما كتش اعيش. طب الشفايف لازمتها ايه؟ طب ما كان البوق يبقى بتاعتين مقفولين على بعض كده - [00:09:30](#)

يفتحه ويقفله كده وخلاص. الشفايف الجميلة ديت بانواعها وباشكالها وباضافتها لجمال الانسان. كل ملمح جميل في اسمك بيفكرك بالودود. ربنا خلق عشر تلاف نوع سمك. انت بتاكل كم نوع منهم اصلا؟ كل الانواع اللي انت بتاكلها كلها كم نوع يعني؟ طلعت ولا نزلت؟ امال كل - [00:09:50](#)

الانواع دي ليه؟ كل طير تسع تلاف نوع طير. انت بتاكل كم نوع منهم؟ امال كل ده ود من ربنا سبحانه وتعالى. الازهار هو انت العطور كل ريحة حلوة بتفكرك بالودود. كل طلعة شمس بتفكرك بالودود. كل منظر شمس معه سحب - [00:10:10](#)

او المطر بينزل وقوس قزح منور السما بالوانه. بيفكرك بالودود. القمر ايوة يا عم عشان ينور بالليل والمد والجزر. طب والقمر مع السحاب آآ والقمر مع السما الصافية. والقمر مع الغيوم. والقمر على البحر بالليل وانت قاعد قدام شط ولا ساحل. والشعب المرجانية اللي تحت - [00:10:30](#)

والسمك الملون وكل زهرة بتفكرك بالودود. كل عطر بيفكرك بالودود. الاكل. هو انت خلاصة الاكل ايه؟ كربوهيدرات وبروتين والدهون ومية وشوية املاح. طب ما كان آآ حنة دهنة تخيل انا عزمك لقيت فيه طبق عليه حنة دهنة وجنبها - [00:10:50](#)

حنة لحمة آآ وجنبها وشوية زيت وجنبها حنة لحمة وجنبها شوية رز وجنبها كوباية ماية خلاص. انت لو كلت ده تعيش. انت عايز ليه؟ انما لما تيجي لي بقى اعمل لك عشر انواع فاكهة. الاف الفواكه دي ربنا خلقها ليه؟ الودود كل منظر جميل في السما - [00:11:10](#) فرض يفكرك بالودود. كل ملمح جميل فيك. كل ما كل زهرة كل منظر كل فاكهة من اللوان. كان ممكن ربنا يخلي الدنيا اسود بس. والابيض واسود دول الدرجات بتاعتهم الاف الدرجات. كنا هنفرق بين كل حاجة والثانية. ربنا لو قال لك الحياة ليه؟ ربنا لون لك كل حاجة - [00:11:30](#)

ربنا الحر كان ممكن ربنا يسببك في الحر خلق لك الضل ليه؟ الم ترى الى ربك كيف منذ الظل؟ لان الودود زي ما هناخد الوقتي اللي ما بيسببكش في اي لحزة صعبة ابدًا. ربنا كان ممكن الليلة عشان تنام. طب ليه النجوم؟ ولية القمر؟ ولية النسيم؟ ولية السكينة - [00:11:50](#)

وليه؟ ليه ربنا خلى لك كل حاجة جميلة؟ بيقول لك انا الودود. بيقول لك انا الودود حس بالودود فتش عن الودود في كل حاجة حياتك. فتش عن الودود في كل ملمح في حياتك. فتش عن الودود. اداك عينين. لو كانت عين واحدة كنت تشوف اه اتنين دي بس. بعدين بس - [00:12:10](#)

انما دي لازم عينين. ودانك الاتنين لو كانت ودن واحدة ما كنتش تعرف الصوت جاي لك مينين. كان يبقى الصوت جاي وخلص ربنا سبحانه وتعالى اداك ميت مليون مستقبل ضوئي في عينك. من غيرها ما كانتش فرقت معك الوان الدنيا. لانك ما كنتش تعرف تفرق ما بين الدرجات - [00:12:30](#)

لونية يبقى الودود المعنى الثاني المتحجب المتحجب اليك حتى لما بيقول لك تكليف في الشريعة الاسلامية لما قال لك الحجاب لازواجك وبناتك ونساء المؤمنين يدنين عليهن من جلابيبهن. ليه؟ وادفن جمالي ليه؟ والبس خيمة وامشي ليه؟ استني بس -

[00:12:50](#)

ذلك ادنى ان يعرفن فلا يؤذين. ده عشانك. ده عشان انت عارف انك انسانة مؤمنة ما حدش يقربك. يقرب لك عشانك. انا رايح عمرة اسمها عمرة لان ربنا بيعمر حياتك بالعطاءات لما انت بتعمر بيته بالعبادة عشانك. يعني حتى في العبادات وودود - [00:13:10](#)
من تقرب اليها شبرا تقربت منه. بس انت بتقرب على قدرك وهو يقرب على قدره. الودود سبحانه وتعالى المتحجب من معاني الودود من المعاني الجميلة اوي اوي اوي للودود. بس دي نسيبها للآخر بقى. المحبوب المحبوب ربنا المحبوب - [00:13:30](#)
مش ربنا اللي بيحب بس وربنا اللي بيتحب ونعرف بقى يعني ايه ربنا المحبوب بس دي نأجلها شوية من معاني اسم الله الودود اللي لا يمكن ان يسببك ولا يتخلى عنك في زنقة. عشان كده يا جماعة عشان كده يا اخواني الراجل اللي طلع له لص وهو في الصحراء ووحيد - [00:13:50](#)

والراجل ماسك له سيف. قال له خد فلوسي قال له اقتلك. انا مش عايز غير دمك. قال له سبني اصلي ركعتين. توسل لله بايه يا وودود يا وودود اشمعنى الودود؟ لان اللي يعرف الودود يعرف ان لا يمكن يسببك في زنقة - [00:14:10](#)
مع الودود انتظر في كل لحظة وصل من الله سبحانه وتعالى. حتى عند الموت حتى في القبر حتى في اي مكان انت فيه او في اي مكان انت بتهدد فيه. الودود اللي مش هيسببك في اي لحزة. الودود انتظر في كل تيه ارشاد - [00:14:30](#)
انتظر في كل عسر يسر. انتظر في كل لحظة معية ومصاحبة من الله. عشان كده قال لك الودد اصلا اصل الودد الودد اللي يدق في الخيمة خلاص مش هتطير مع الهوا. هتفضل في مكانها طول ما هو ملازمها. فالودود اللي بيلازمك في حياتك - [00:14:50](#)
ويصاحبك في حياتك وفي اي خطر تلاقي الودود معك. عشان كده المفسرين لما قالوا اشد ترهيب في القرآن قالوا اشد ترهيب. ففي ناس قالوا طبعا كلما نضجت جلودهم بدلناهم جلودا غيرها. فيه ناس تانية قالت قول الله سبحانه وتعالى هل امتلأت - [00:15:10](#)
وتقول هل من مزيد في ناس تاللة قالت وقدمنا الى ما عملوا من عمل فجعلناه هباء منثورا. فيه ناس قالت لا اشد تهديد في القرآن وهم منا لا يصحبون. ان ربنا يهددك انك هتخسر المعية. هسببك لوحدهك في الدنيا - [00:15:30](#)
سببك تواجه اخطرها لوحدهك. وهم منا لا يصحبون. التهديد انه مش هيصاحبك. التهديد انه هيحرمك من اسم الودود. هيحرمك من اثر الودود في حياتك. انت عارف يعني ايه؟ ان في كل زنقة ربنا بيديك - [00:15:50](#)

فرج وفي كل ضيق ربنا بيديك سعة وفي كل ازمة ربنا بيديك معية طب شيل بقى المدد والسعة والمعية هتبقى حياتك غريب يا بخته اللي كان صاحبه الودود. يا بخته اللي هيصبر على باب الودود لحد ما الودود يرضى ان هو يصاحبه. زي ما النبي عليه الصلاة والسلام قال لربنا - [00:16:10](#)

ربنا صاحبنا وافضل علينا. يبقى انت لما بتقول يا وودود يبقى انت بتقول يا رب ما تسبنيش في اي زنقة في حياتي لما بتقول يا وودود يبقى انت بتقول يا رب املا حياتي بالحب والحنان والعطف يا رب. يبقى انت لما بتقول يا - [00:16:30](#)
ودود يا وودود اجعل لي ودا يا وودود. يبقى انت بتقول يا رب صاحبي في الحياة. يا رب ما تسبنيش في الحياة انا في مشكلة ولا برة مشكلة. عشان كده يعني الودود مش بس اللي ما يسببكش في وقت الزنقة. واللي ما يسببكش في اي - [00:16:50](#)
في موقف ثاني في حياتك. عموم حياتك. الودود يعني حبل ود متصل لا ينقطع. عطاءات منهمة متصلة لا تنقطع جميل قوي انك انت تبقى حاسس انك ماشي مسنود في الحياة. انك انت تبقى ماشي مرة جبت ورقة كده وقلت انا هكتب المواقف - [00:17:10](#)
الازمات اللي انا وقعت فيها وربنا ما سبنيش فيها. الازمات اللي انا كانت بتهزني حياتي وربنا جاب لي فرج جواها. كنت في عمرة كده

والواحد بقى كان ايه يعني قاعد بقى فقعدت اكتب اكتب اكتب الورقة خلاص اسودت جبت ورقة تانية قعدت اكتب اكتب

اكتب اكتب وكل سطر - 00:17:30

الموقف انا بصيت له الورقتين بعدها والله يا اخوانا انا النهاردة وامبارح وانا بابص للورقتين دول انا حاسس ان انا قلبي هيطيش. كل دي يا رب كل دي من اثار اسم الودود في حياة حد من الناس. ده احنا لو بصينا لعطاءات الودود للصالحين في القرآن. ده انت هتزهن

- 00:17:50

فبصوا يا اخوانا واقرأ اقرأ كل لحظة ربنا سبحانه وتعالى معيته تدخلت في حياتك وفرقت في حياتك قد ايه في حياتك ايه ؟ يعني افتكر من ضمن السطور كده سبحان الله! يعني كاتب عشرة جنيه غيرت حياتي. عشرة جنيه قلبت حياتي. عشرة جنيه -

00:18:10

قلبت لك كل حياتك من قبلها غير بعدها. سبحان الله العظيم. مرة من ضمن المرات والواحد كان ايام الكلية وازمة نفسية رهيبة نعمل ايه؟ طب نوصل لربنا ازاي؟ طب ازاي نقدر؟ ما كانش الموضوع زي الوقت يا جماعة. ما كانش الدين زي الوقت كده. يعني الوقتي

انتم بتشتكوا الوقت توفر - 00:18:30

دعوة وتوفر المواقع الاسلامية وتوفر كل حاجة وتوفر المعاهد العلمية وتوفر تحفيظات القرآن وتوفر كانت صعبة الواحد فجأة كده وقف مع نفسه طب واحد كده يضيع. طب اعمل ايه يا رب؟ طب انا انا محتاج مربى. انا محتاج حد يهتم بي. طب مين المربي اللي

اقدر اروح له؟ الشيخ - 00:18:50

محمد يعقوب طب ده في مصر طب اروح له ازاي؟ ايام الكلية بقى والايام دي يا اخوانا كان بيبقى في ضغط مادي جدا جدا عليك من قبل الاسرة ليه ؟ انت لو مسكت خمسة جنيه في ايدك ما تتضمنش هتعمل بها ايه ؟ وهتروح فين ؟ وهتسافر تحضر درس علمي

فين ؟ فانت ممنوع انك تمسك فلوس في ايدك. شبه حاجة - 00:19:10

زي كده. فانا قاعد افكر طب انا عايز عشرة جنيه. والله يا اخوانا عايز عشرة جنيه اسافر لشيخ اخوه. انا عايز اشوف ديني. انا بضيع يا رب. انا يا رب اوصل لك ازاي - 00:19:30

انا فاكرا اوباما بلاش في الشارع يا رب اعمل ايه؟ اوصل لك ازاي؟ اقرب منك ازاي؟ فضلت ماشي ماشي ماشي شارع بحود منه كده لقيت محل لواحد صاحبي والله ما اعرف انا رجلي بتسوقني ازاي. ولا انا ماشي فين ولا انا رايح فين. سبحان الله العظيم. يعني

والواحد ايامها بقى كان يعني ايه يعني - 00:19:40

آآ يعني عمر الواحد مش واخد على الاخوة بقى والوصل ما بين اللي فوق بعض. لقيت واحد صاحبي لسة بايع بيعة كبيرة فاوول ما شافني كده قال لي حبيبي بعشرة جنيه ايه! فبقول له ايه ده! عشرة جنيه! انت اتجننت! انا اتكسفت جدا طبعاً بقى يعني والبيت اللي

الواحد اتربى فيه والحياة اللي كان الواحد - 00:20:00

يعني رغم التضيق المادي اللي انا كنت عايش حياة. يعني كبيرة جدا. انت اتجننت! بس انا خدت العشرة جنيه من هنا وطلعت اجري. طلعت اجري ركبت القطر القطر بتلاتة جنيه وريال. رايح جاي. المواصلات لحد الشيخ حوالي اتنين جنيه كده رايح جاي. يومين

اليومين دول اتقابلت مع الشيخ امين - 00:20:20

اول مرة اشوف حد بيتكلم عن ربنا ليل نهار. اتعرفت على الشيخ راح اكون معرفة خاصة. قلبت حياتي كلها. لقيت الشيخ نازل الفجر وفرحان قوي. فبتكلم معه قل لي انت عارف انا فرحان قوي ليه ؟ فبقول له ليه ؟ بيقول لي حلمت نمت قبل الفجر. حلمت ان انت

كنت في ضلعة. حد زقك من ظهرك طلعت في النور - 00:20:40

قلت سبحان الله العظيم عشرة جنيه! عشرة جنيه موقف اترتب ازاي! واتعمل ازاي! الودود اللي لو اقبلت عليه ما يسبيكش لو انت اتعشمت في رحمته وحنانه ما يسبيكش. اللي في كل زنقة تلاقيه معك. من معاني اسم الله الودود. اللي ما يسبيكش اصلاً طول

حياتك - 00:21:00

بقى سند لك طول حياتك. عشان كده يودك بزوجة. يودك بشقة. انت مصدق ان ربنا يودك بشقة. يعني انت تصدق ان ربنا يودك

بالجنة في الآخرة. ومش مصدق ان ربنا يودك بشقة تتجوز فيها في الدنيا. يودك بوزيفة حلوة. يودك بفلوس. يودك - [00:21:20](#)

باولاد وزرية يودك. يودك بمعاني ايمانية تملأ عليك حياتك. كلما دخل عليها زكريا المحراب وجد عندها رزقا. بعض المفسرين قالوا

الرزق هنا مش اكل وشرب. وجد عندها معاني عن الله. اول ما تقولها له - [00:21:40](#)

سيدنا زكريا يبهر. ما هي واحدة قاعدة تعبد ربنا ليل نهار. فربنا يودها بمعاني في قلبها. تديها عزيمة ايمانية العبادة ليل نهار. انت ربنا

لو ودك بمعنى واحد في قلبك. هتتحول لقوام معنى واحد في قلبك عن الصيام. تتحول - [00:22:00](#)

اواب يبقى هدية وراه هدية الودود اللي هيملى حياتك هدايا. الودود اللي معه لا هتتحس وحدة ولا وحشة ولا اكتئاب

نفسى ولا توتر ولا ضيق ولا امراض نفسية. الودود الودود - [00:22:20](#)

اللي مش هيتفرج. عشان كده التلات مرات اللي جه فيهم الودود في القرآن. مرة اللحظات السوداء. اللحظات السوداء مرة في سورة

البروج. هولوكوست. محرقة معمولة للمؤمنين وهو الغفور الودود. والمرة الثانية في سورة هود ان ربي رحيم ودود حذاشر هجرية.

خلاص - [00:22:40](#)

قمة التضيق والخنق والاذى والشلل الدعوي خلاص. والمرة الثالثة في سورة مريم سيجعل لهم الرحمن اللي نازلة صفر ميلادية وقت

ما كانت الكرة الارضية قمة الطغيان والفساد. والانبياء بيواجهوا اشد العتاة - [00:23:00](#)

والطواغيت وكل اللي في سورة مريم هددوا بالقتل كلهم من اولهم لآخرهم. هنا ربنا يقول لك سيجعل لهم الرحمن ودا. حتى سورة

مريم نازلة قبل هجرة الحبشة. لما رحت موزمبيق عرفت كلمة الصحابي اللي كان بيقول على الحبشة ارض الغرباء البعداء. ارض ده

انت عارف - [00:23:20](#)

ولا انت عارف تتفاهم مع الناس ولا انت عارف ارض كلها تحس انها ارض من الوحشة. ارض غير ارضك. لغة غير لغتك ناس غير ناسك

ما فيش وجه ترابط اصلا. سبحان الله العظيم! ربنا قبل ما يهاجروا الحبشة قال لهم افتكروا الودود. سيجعل لهم الرحمن ودا -

[00:23:40](#)

اسم الودود ما نزلش غير في اللحظات السوداء. كأن ربنا بيقول لهم مش هاسيبيكم لوحكم. مش هاتخلى عنكم ولا لحظة. النبي عليه

الصلاة والسلام وهو في الهجرة ومطلوب حيا او ميتا. يبجي سراقا ابن مالك. بعته ليه يا رب؟ عشان لما اقدام الفرس تسيل -

[00:24:00](#)

النبي يفتكر ان ربنا مش هيسيبه. والنبي عليه الصلاة ربنا بعث له ابو بكر. اشمعنى ابو بكر؟ وربنا منين الحنان الرهيب اللي في قلب

الله لو ود ربنا ربنا ود النبي بابو بكر ويبعث له الراجل اللي اللي معه اللبن اللي يسقيه اللبن البارد وادي ربنا ما تسيبوش - [00:24:20](#)

ويقول له والضحي والليل اذا سجي. ما ودعك ربك وما قلى. ربنا ما سابكش ولا هيسيبك. الم يجدك فاوى ووجدك ضالا فهدى

ووجدك عائلا فاغنى. فتش في الماضي بتاعك فتش عن الودود - [00:24:40](#)

في تاريخ حياتك. فتش عن الودود في زكرياتك. فتش عن اللي الودود عمله لك. اوعى تنسى الودود عمل لك ايه في حياتك؟ زي ما

فتشت عن الودود في الشمس والقمر والاكل اللي انت بتاكله والفواكه والطور واسماك الزينة واللوان - [00:25:00](#)

والحياة وكل منزر جميل وعينيك وشفافيك. فتش عن الودود في الماضي. فتش. الودود عمل لك ايه ايوا فهدى فاغنى. فتش اللي

عمل لك كل ده. اللي ما سابكش في ولا لحظة اتزنت فيها. مش - [00:25:20](#)

سيبك في اللي باقي عشان كده الصورة اللي بعدها الم نشرح لك صدرك؟ فتش عن الودود في قلبك بقى وجواك مش في حياتك

قلبك الم نشرح لك صدرك. فتش عن الودود. في الاية اللي انت سمعتها مرة في الصلاة وحياتك اتغيرت بسببها. فتش عن الودود في

الدم - [00:25:40](#)

اللي انت سمعته في يوم من الايام وتبت الى الله بسببه. فتش عن الودود في الكلمة اللي واحد ذكرك فيها بالله. وحياتك اتغيرت

بسببها فتش عن الودود في الصلاة اللي انت خشعت فيها وبكيت فيها. وما انتاش عارف الخشوع جاء لك منين. والبكاء جاء لك

منين؟ فتش عن الودود - [00:26:00](#)

فوت في قلبك وشرح صدرك ودينك. الم نشرح لك صدرك؟ الودود يا اخواننا اللي مش هيسيبك لوحده ابدًا. ساعات تلاقي اكبر مشكلة عند الاب والام اللي بدأوا اولادهم يكبروا. واتجوزوا ويبدأوا ييكوا بقى يوم الجواز. البيت - [00:26:20](#)

وهنرجع لوحدها وهنعيش لوحدها. ولو حد مننا مات الثاني هيكمل حياته لوحده ازاى؟ والخوف من الوحدة. مع الودود ما تخافش من ما تخافش من الوحشة. ما تخافش من السفر لوحده. ما تخافش من اي حاجة تخوف اي حد في الدنيا. لان الودود - [00:26:40](#)

وصل لك وده ولو انت في بطن جبل سيجعل لهم الرحمن ودا. يعني ايه ودا؟ المفسرين اختلفوا كثير. ناس قالوا يعني ودا في الجنة. في الجنة؟ قال لك يعني ربنا مش هيسيب نفسك في حاجة في الجنة. ربنا - [00:27:00](#)

وما ادراك ما ود الله لك في الجنة بقى. تخيل كل جمعة اما يقلب لك الجنة كلها نيولوج. عشان يودك به يعني انا مش هجيب لك ود ربنا باهل الجنة. انا هجيب لك ود ربنا بالاخير على البشرية في الجنة. الاخير دايمًا وزارة التعليم - [00:27:20](#)

بتود مين؟ العشرة الاوائل على السانوية العامة. دايمًا اي كلية بتود مين؟ الاوائل لما كنا في في حفلة التخرج في الكلية كانوا مين؟ الاول على الباطنة. الاول على الرمد. الاول على النسا والولادة. الاول على الكيمياء الحيوية. الاول على التشريح، الاول - [00:27:40](#)

جراحة. الاول بس هو هيوود الدفعة كلها ليه؟ طب شف الودود. عمل ايه مع الاخير؟ مع البشرية اخر من يمشي على الصراط. النبي عليه الصلاة والسلام شف النبي بيحكى لك حكايته. يمشي مرة ويقع مرة وتسفعه النار - [00:28:00](#)

مرة قصة مرعبة. حتى ازا نجا اول ما يعدي قال تبارك الذي نجاني منك. يبص لجهنم كده يقول الحمد لله يا رب. يا رب يا كرمك يا كريم ان انا عدت. الحمد لله الذي لم يعطيني الذي اعطاني. ما لم يعطيني - [00:28:20](#)

الاولين ولا الاخرين. الحمد لله ان ربنا اداني حاجة. ما فيش مخلوق في الدنيا خدها. يا عم ما فيش مخلوق ده انت الاخير. هو بيتهيأ له كده. كل اللي قدامه واللي وراه وقعه. فمتيأ له ان ما فيش حد اصلا عدى. يعدي وربنا يسبيه قاعد كده. شوية ربنا يخلق له - [00:28:40](#)

ونبع فيه فيبص لهم كده هو النار في زهره وبعد عنها خلاص وعلقها. يقول يا رب يا رب استظل بظل شجرة واشرب من هذا الماء. فربنا يقول له لان اعطيتك هذا. لا تسألني شيئًا بعدها. يقول له والله ويعطي له العضو الموفق - [00:29:00](#)

لا اسألك شيئًا بعدها. يا عم هو يا اخواننا كان ممكن الرجل ده ربنا يدخله الجنة على طول. شف ربنا بيعمل معه ايه؟ شوفوا الرابع مراحل اللي ربنا هيقربه من الجنة بهم. شوفوا ربنا الودود. وشوفوا ربنا هيكلمه ازاى. شوفوا ربنا هيعمل مع حوار شكله ايه. يا رب ده - [00:29:20](#)

اخير. عارف يعني ايه الاخير؟ يعني الرجل ده زنا له الف مرة مسلا استغفر الله العظيم واتوب اليه. يعني الرجل ده مسلا كان بياكل ربا وكان بيسرق وكان ده اخر مسلم بيدخل الجنة. اخر واحد بيعدي من على الصراط. عارف يعني ايه الاخير؟ على الناجين من - [00:29:40](#)

يعني الرجل ده يا اخواننا ضياع الضياع يعني. ربنا يحفزنا ويعافينا. شوفوا ود ربنا بده. فربنا يقربه ويقعد في ظل شجرة شوية بقى ربنا يقوم خالق له شجرة تانية ونبع تاني. فيبص انا بستغرب والله يا اخوانا شجرة مش قادر يصبر عنها - [00:30:00](#)

امال القصور والحدور والانهار والطعام والمعينة والحب اللي في الجنة يبقوا ايه بقى؟ اذا كان ربنا يقدر يخلق لك شجرة تخلو بلبك فيقول له يا رب قربني من هذه الشجرة. استظل بظلها واشرب منها. يقول له عبدي الم تعطني العهود؟ الا تسألني شيئًا بعدها؟ يقول له - [00:30:20](#)

يا رب لا اسألك شيئًا بعدها. ربنا يدي له التانية. شوية ربنا يخلق له شجرة تالثة ونبع تانية. يربي قربني من هذه الشجرة استظل بظلها واشرب من باقيها. ربنا يقول له عبدي الم تعطني العهود الا تسألني شيئًا بعدها؟ يقول له - [00:30:40](#)

ربي لا اسألك شيئًا بعدها. النبي عليه الصلاة والسلام بيقول كلمة حلوة اوي. بيقول وربّه يعذره. فانه يرى ما لا صبر له علي ما لا صبر له علي. شجرة! امال الجنة! وده كل ده برة الجنة! امال الجنة! لما تسمع وصف سدرة المنتهى وتذهب - [00:31:00](#)

هل من جمالها؟ اقول يا رب ده دي شجرة من الاشجار اللي برة الجنة. اومال جوة الجنة في ايه؟ يروح للشجرة التالثة. الشجرة التالثة

عند سور الجنة اسمع اصوات اهل الجنة يسمع النعيم والفرحة والضحك والبهجة والمرح وحفلات الاغاني ومعارف الجنة - 00:31:20
واصوات صراخ الفرحة اصوات رهيبة. اصوات مهولة اصوات تدل على افراح مذهلة. فيقول الرب ادخليها يا رب ادخل الجنة يا رب.
فربنا يقول له اترضى ان تأخذ قدر ملك الدنيا - 00:31:40

ومثله مع فالراجل يقول له اتهزأ بي وانت رب العالمين؟ النبي عليه الصلاة والسلام يقول كده وبيضحك فبيقولوه بتضحك من ايه يا رسول الله؟ قال اضحك من ضحك الله من ذلك الرجل. ربنا يدحك لما الراجل يقول له كده. انت بتستهزأ بايه يا رب؟ استهزأ بك. والله يا اخوانا - 00:32:00

لو كان واحد ممكن يموت من القهرة والحسرة والندم جوة الجنة كان يبقى الراجل ده. لما كشف ربنا ودود قد ايه. وكان بيتودد له قد ايه. وهو ضيع الود ده كله - 00:32:20

انه ما كانش عارف ربنا الودود. ما كانش عارف. فلما يكتشف ود ربنا على باب الجنة. الراجل ده لو كان فيه ندم في الجنة لكن الراجل ده ندم لو كان فيه موت من الحزن في الجنة كان الراجل ده مات من الحزن. بقى انت يا رب ده كرمك. وده ودك لدرجة اني باقول لك هتهزأ - 00:32:40

ولسه ربنا يقول له ومثله ومثله ومثله. وعشرة امثاله. ولك ما اشتهدت نفسك ولذت عينك. كل ده يا رب كل ده يا رب عشان الاخير كل ده عطاء الودود للاخير في الجنة. يا ندمه. يا ندمه كل واحد ما عرفش - 00:33:00

ربنا يا ندم عشان كده ربنا لما قال وهو الغفور الودود في سورة البروج. بيكلم مين؟ بيكلم اللي حرقوا المؤمنين. اللي حرقوا اولياء الله. اللي عملوا مداخل مداخل بنياس ومداخل حلب ومداخل سوريا ومداخل اللي دبحوا المؤمنين اللي عذبوهم اللي - 00:33:20
ابوهم في النار ربنا يقول لهم وهو الغفور الودود. الغفور ها هتغفر لي لأ. الود اعلى علاقة ما بين العبد والله في الوجود باعرضها عليك بعد المغفرة. بس ارجع وانا ارجع. اوصلني وانا اوصلك. بيكلم قومي شعيب في سورة هود يقول لهم ان ربي - 00:33:40
رحيم الودود. يا رب قومي شعيب دول قطاعين طرق. بلطجية. مجرمين. اجلين سحل. كل المصايب اللي موجودة في الامة دلوقتي كانت موجودة في قوم شعيب واشد واعنى وانكى. ربنا يقول لهم الودود. كأن الودود ده اخطر اسم انت ممكن تستعمله في دعوة غير الملتزمين. لانك لو عرفتهم - 00:34:00

وعروض الودود المغرية. خلاص اطلب واتمنى من الودود. بس انت خلي ربنا يحبك وشف الودود هيعمل لك ايه سيجعل لهم الرحمن ودا في الجنة. في القبر في القبر والله العظيم الودود ما هيسيبك حتى في القبر. الودود - 00:34:20
مش هيساهم في اي زنقة ولا في اي ضيقة ولا في اي ازمة ولا في اي خنقة ولا في اي وحشة ولا في اي واحدة عشان كده ولادك الحنونين من من اسار الودود. مراتك الحنونة من اثار الودود. امك دي اول عطاء الودود اداه لك وانت خارج للدنيا. دي البداية - 00:34:40

سدي امك ده اول عطاء ربنا الودود اداه لك. اصحابك كل ده من اسار اسم الله الودود. اللي يملئ حياتك بالحب والفرح. اللي يملئ حياتك بالحب والحنان سيجعل لهم الرحمن ودا في القبر. في القبر ازاى؟ انا عمك الصالح. جاي اونسك. الودود مش هيسيبك - 00:35:00

لوحذك. الملائكة نفسها تفتح لك ابواب الجنة عشان تتفرج عليها. ارواح الصالحين يتزاورون في اكفانهم. كما قال النبي النبي صلى الله عليه وسلم يعني حتى ود ربنا في الارض. حتى ود ربنا ساعة الموت. ساعة الموت ازاى! الملائكة اللي وشها زي الشمس تيجي لك. وملك الموت يجي لك يوم - 00:35:20

يقول لك ايتها الروح الطيبة وتيجي تطلع في السما تلاقي ملايكة السماوات السبعة المقربين منها بيشتعوك. وتطلع للسما السبع زي ربنا بيقول لك صدقة عبدي ده الموت ود ربنا حتى عند الموت. حتى عند الموت مش هيسيبك. حتى يوم القيامة. بعض المفسرين قالوا سيجعل - 00:35:40

لهم الرحمن ودا قالوا اي يوم القيامة. يوم القيامة ازاى يا رب! من اول لحزة وتلتقاها الملائكة. انت عارف لما صاحبك جايها من من

سفر طويل وتأخذه بالحضن في المطار. وتروح تستقبله في المطار وتأخذه بالحضن. وتتلقاهم الملائكة - [00:36:00](#)
قال لك ربنا يرزقهم الملائكة الودود يوم القيامة. والقرآن تلاقيه واقف لك انا صاحبك القرآن مش هسيبك. وتلاقي الصدقة زلة كده فوق راسك ، وايه ده! بعد كده اذا النفوس زوجت لما الصالحين بقى يبقوا مع بعض ربنا يونسك الخمسين الف سنة. يملئ يوم القيامة - [00:36:20](#)

ده من اسار الودود الانس يملئ حياتك بالانس. وبعد كده النبي عليه الصلاة والسلام على الحوض. ولو انت بقى بتحب النبي عليه الصلاة والسلام يبقى النبي معك من قبل الحوض من الحشر يحشر المرء مع من احب. ربنا يملئ لك يوم القيامة بالانس والعطاء والونس - [00:36:40](#)

والود سيجعل لهم الرحمن ودا في الجنة. في حتى عند النار والله لا يلقي حبيبه في النار. الودود ما يعزبش حبيبه. لو ربنا حبك النار لن تمسك سيجعل لهم الرحمن ودا. دي في الآخرة. طب في الدنيا - [00:37:00](#)
في الدنيا يا جماعة في الدنيا ديت اللي يعرفها واللي يعيشها واللي يعرف عطاءات الودود للمقبلين عليه. العطاءات اللي ربنا بيديها للي اقبلوا عليه. وضحوا عشانه. وتعبوا عشانه. واشتغلوا في الدعوة - [00:37:20](#)

عشانه وقاموا الليل عشانه. ووصلوا الارحام عشانه. اللي يعرف عطاءات الودود للمقبلين عليه. يا جماعة كان مرة مصر اللي بتلاعب موزمبيق واتهزمت. فكان المدرب مش فاكرا اسمه ايه كده! فواحد بيعلق بيقول بيقول نجيب له اسهل من - [00:37:40](#)
طبقي عشان يغلبه. نتهم من موزمبيق. سبحان الله العظيم! افكرت الكلمة دي وانا بفكر في قاتل المنة. قاتل المنة لما اقبل على الودود غير له الجغرافيا بتاعة الارض. قاتل ما عرف ياخد عطاءات الودود. ما انتاش عارف تأخدها - [00:38:00](#)

اذا كان قاتل الماء خدها. واحد ببصرف عشرين الف جنيه في الشهر غالبا تسعين في المية من مصاريفه. على ولاده حبايه. طب عطات ربنا المناسب كاميرات غالبا المفروض للصالحين. مش عارف تأخدها ازاي ؟ اخطر علاقة في الوجود. اكبر غفلة في الوجود هي الغفلة عن عطاءات الودود - [00:38:20](#)

ازاي ان ربنا بيملى حياة الصالحين المقبلين عليه بالفرح؟ بيملاً سيدنا ابراهيم كان اسحاق سمى من فرحته سمى اسحاق اسحاق اسحاق يعني الضاحك. عارف الامام الضحاك كده عندنا؟ الفرحة ان سيدنا اسماعيل يعني سمع الله زي جاد الحق كده. زي جاد المولى كده - [00:38:40](#)

سيدنا ابراهيم مراته سارة. سيدنا ابراهيم كان فرحان. انسان فرحان بالله سبحانه وتعالى. انسان حياته مليانة بالافراح. الودود يعمل لك ايه؟ عطاءات الودود. الكفاية ان ربنا يكفيك. ان ربنا يمدك ببلد من عنده. انك تواجه الحياة بقوة الله مش - [00:39:00](#)

انت سيدنا علي ابن ابي طالب يمسك باب الحصن اللي عشرين راجل ما يعرفوش يمسكوه. ويقف يعملوا درع بايده الشمال ويقا تل بالسيف بايده اليمين ما حدش عارف يشيل الكلام ده ازاي ؟ الممد. خالد بن الوليد تسع سيوف في مؤتة يتكسروا وايديه سليمة. ازاي يعني! بقوانين العضم بتاعة الايد البشرية - [00:39:20](#)

ده ما ينفعش. الممد به الودود سبحانه وتعالى. سيدنا محمد عنده واحد وستين سنة ورايح الف وخمسمية كيلو في تبوك. ولسه من سنتين مسموم في خيبر وعنده الام في الاورطة لحد ما مات عليه الصلاة والسلام. ساب السم ده جاب الطاقة دي منين؟ الممد من الودود سبحانه وتعالى. سيدنا نوح - [00:39:40](#)

تسعمية وخمسين سنة دعوة ازاي؟ الممد من سيدنا داود يقعد من الفجر للمغرب يسبح ازاي؟ الممد الممد من الله الودود سبحانه وتعالى. عايز تأخذ اللي هم خدوه. ادي اللي هم ادوه. سيدنا يحيى لما قال سيدا وحصورا حصار حوالين نفسه - [00:40:00](#)

عشان يأدبها ويربها لله سبحانه وتعالى. ما جعل الله لرجل من قلبه. يا قلبك مع الله يا قلبك مع الدنيا. اختار. سيدنا ابراهيم سياسته في الحياة جعلهم جدادا. سياسته في الحياة طفق مسح. سياسته في الحياة ما فيش حاجة تحول. ما فيش حاجة تحول بينه وبين - [00:40:20](#)

الى الله سبحانه وتعالى. عشان كده ربنا سبحانه وتعالى عمل له ايه؟ وربنا سبحانه وتعالى قد ايه؟ وربنا قال عليه ان هذا هو المبين النعمة الباهرة المتكاملة. قمة الدين وقمة الدنيا من الله. الحمد لله وكفى وصلاة وسلاما على عباده الذين اصطفى. اللهم لك الحمد -

00:40:40

ده كله ولك الملك كله وبيدك الخير كله. واليك يرجع الامر كله. اللهم صل على عبدك ونبيك محمد. صلى الله عليه وسلم في الاولين والآخرين وفي كل وقت وحين اما بعد الفرح. الودود بيخلي عباده يفرحوا. لما ربنا يقول للسيدة مريم فكلني واشربي وقرني عينا.

00:41:00 - ازاى يا رب -

بنت عندها تلتاشر سنة فجأة لقت نفسها حامل وفجأة لقت نفسها بتولد وفجأة لقت على ايديها عيل ووسط يهود ما بيرحموش وربنا

يقول لها الا تحزني. ما احزنش ازاى يا رب! مش بس الا تحزني. فكلني واشربي وقرني - 00:41:20

اين يا رب في اما ترين من البشر يا حدا! ما تتكلميش شاوري اني نظرت للرحمن صوما. الودود اللي هيملى حياتك بالافراح الودود

اللي لا يمكن لو انت سبت عشقانه يسيبك. لو انت ضحيت عشانه لا يمكن يتخلى عنك - 00:41:40

محمد لا يمكن سيدنا ابراهيم لما ساب قومه فلما اعتزلهم وما يعبدون من دون الله وهبنا له اسحاق ويعقوب. كلا جعلنا نبيا وهبنا لهم

من رحمتنا. جعلنا له لسان صدق علي. انه كان بي حفيا. انه كان بي حفيا. انا عندي. حاجة من - 00:42:00

حافظ والموضوع الساعة تمانية بالليل في المكتب بتاعه. طب والمحافظ لو كريم اوي اوي اوي هيكلم موزف هناك يخلص لي

الموضوع. رحت لقيت المحافظ مش مسليني بنفسه وفتح لي المكتب بنفسه وسعى لي في حاجته بنفسه. انه كان بي حفيا. لما ساب

عشان ربنا ربنا - 00:42:20

كابوس سيجعل لهم الرحمن ودا. عشان كده لو انت عايز تعرف يعني ايه الودود روح النهارده امسك سورة مريم وعيش معها كل كلمة

في سورة مريم بتقول لك مين هو الودود. لم نجعل له من قبله سميا. الودود لما بيدي لاوليائه بيدي لهم - 00:42:40

اللي ما حدش في الدنيا خده سلام عليه يوم ولد. يوم يموت يوم يبعث حيا. معية لا تنقطع. الودود مش هيسيبيك لحظة في حياتك.

من اول حياتك لنهايتها. مش هيسيبيك في ولا مرحلة. وقربناه نجيا. الودود والعطف - 00:43:00

الحنان فرق كبير قوي ان انا اجي لك البيت اقول لك انا عايز منك حاجة. وان انا اجي لك البيت تقول لي عايز ايه؟ اقول لك انا مش

عايز حاجة - 00:43:20

انا عايز افضفض. انا عايز افضفض. انا عايز حد يسمعني. قربناه نجيا. في فرق بين اسم الله المجيب. واسم الله الودود المجيب انا

عندي طلب يا رب. الودود انا عايز افضفض يا رب. انا تعبان. انا وحيد. انا مهموم. انا يا رب - 00:43:30

من غيرك ما اقدرش اوصل لحاجة. اتكلم بقى زي ما يقول له مسني الضر. انا تعبان. ربنا يقول فاستجبنا له. هو ما دعاش. هو ما

ترعش يا رب ده الودود بقى. ده الودود اللي تقدر تتكلم معه. اللي امراة عمران تقول له رب اني وضعتها انف - 00:43:50

يادي المصيبة! دي طلعت بنت! انا بقى لي تسع شهور قاعدة احلم بالراجل الفارس! الفارس اللي هيشيلني في كبري! وانا ست كبيرة

اصلا والفارس اللي هيرجع لنا فلسطين وهيخدم بيت المقدس والفارس اللي هيشيل قضية الدعوة يا رب اني - 00:44:10

اونثى ده بنت وليس الذكر كالثنى. مين هيصرف عليها؟ ومين هيربيها؟ وانا ست كبيرة لو مت وسبتها. هتطلع ازاى ديت مين

هيعلمها دين وهتاكل منين ومعاش نافعة ان هي تشتغل للدين لانها واحدة. فتقبلها ربها ما تخافيش - 00:44:30

خدها من ضمن جنود بيت المقدس ما تخافيش. وانبتها نباتا حسنا. هطلعها متدينة ما تخافيش. مش انت اللي بتربي انا اللي باربي

واكفلها زكريا. هاكفلها في دينها ودينيتها. ما تخافيش. ما تخافيش. شوفوا الودود - 00:44:50

لما بيتودد اليه عباده بالمناجاة وبيتودد اليه عباده بالود الله بيتودد اليهم قد ايه سبحانه وتعالى لما اشوف كده سيدنا زكريا بيكلم ربنا

في سورة مريم. سورة مريم سورة الود اللي اخرها سيجعل لهم الرحمن ودا. عايز تعرف الود اقرا سورة مريم. سورة انه - 00:45:10

سورة فكلني واشربي وقرني عينا. سورة وهبنا له اسحاق ويعقوب. سورة وقربناه نجيا صورة وحنان من لدنا. صورة سلام عليه يوم

ولد ويوم يموت. سورة لم نجعل له من قبله سميا - 00:45:30

سين من عطاءات الودود منهمر لا يتوقف. وسط ناس كانت حاطة رجليها على النار وواقفة في وش طواغيت الارض عشان ربنا. سيل ان الذين امنوا وعملوا الصالحات ربنا منزل السورة دي قبل هجرة الحبشة في عز التنكيل - [00:45:50](#)

حد قادر يستحمل ربنا بيقول لهم مش هسيبكم. سيجعل لهم الرحمن ودا. الودود اللي يفرح قلبك. الودود اللي كل حياتك بالعطف والحنان ودا انسا بالله. ان ربنا يملأ قلوب الناس كلها انس بك. واملى قلبك انت انس - [00:46:10](#)

من اعظم احساس في الوجود الانس بالله. الانس بالله يخليك تستغنى عن الدنيا كلها. ما انتش محتاج حد. فيه واحد واحد سفر الحج اول ما نزل هناك قام مسرخ. رجعوني بلدي. الراجل يا عيني يعني تعبان. يعني ربنا يعافيه يا رب. رجعوا لي بلد فيه - [00:46:30](#)

ما بعرفش انام غير على المخدة بتاعتي. ما اعرفش انام غير على مخدتي. رجعوني! يا عم ما هي ترجع بلدك فين يا عم! ده انت دافع ميت الف جنيه عشان تيجي هنا! ومين اللي هيرجعك! وهترجع - [00:46:50](#)

ازاي ؟ سايسو وربنا هدى قلبه كده ولانه رايح يحج ربنا هدا له سره. وكمل الحج وعدد. فيه ناس ابن تيمية بقى لما حبس انفرادي في القلعة. قال لو يعلم اعدائي لو لو املك ملة هذه القلعة ذهبنا على ان اكافئهم - [00:47:00](#)

على ما فعلوا بي لن اكافئهم. ده خلوني مع الودود لوحدي. طب والودود هيعمل له ايه هنا؟ انت تعرف ربنا فتحها على قلبه بايه؟ انت تعرف معنى واحد ربنا يفتح به على قلبك؟ تبقى انسان تاني. بني ادم تاني خالص. هو ده الودود. عارفين مرض التوحد؟ الطفل اللي - [00:47:20](#)

اتفرج على الكارتون وما عدش عارف ان فيه دنيا تانية حواليه. الودود بيخليك تتوحد بس مش مرضيا بقى. انت ما عدتش شايف غير ربنا في الحياة اصلا ما عد خلاص انت قلبك اتملى امل وتعلق بالله. عارفين يعني ايه وتبتل اليه تبتيلا؟ ان نقل النخلة البتول اللي فصلت عن ام - [00:47:40](#)

الانسان التبتل انه يفصل بقلبه عن الدنيا. خلاص حياة القلب مع الله. انشغال القلب بالله. انا عدت ما بفكرش في حاجة خير في ربنا سبحانه وتعالى. سيجعل لهم الرحمن ودا. اي حبا. هيملى قلبك حب له. وهو يحبك. وكل ما - [00:48:00](#)

بحبك حبك له يزيد. فيحبك اكثر فتحبه اكثر. فيحبك اكثر فتحبه اكثر. علاقة حب جبارة. سيجعل ام لهم الرحمن ودا؟ المعنى اللي مشهور اوي اوي اوي في كل مكان وانا جبته في الاخر خالص لانها شافت - [00:48:20](#)

كل المعاني اللي قبل كده اقوى بكثير. ان هيملى قلب الدنيا كلها حب لك. كل الدنيا انما انا عايز انا احبه انا عايز انا ائتنس به. انا عايز انا اعيش اعظم احساس في الوجود الانس بالله الودود. اذا كان ادى للملوك بتوع الدنيا العروض - [00:48:40](#)

والمليارات امل للي بيحبهم هيديهم ايه؟ او مال للي بيحبهم هيعمل لهم ايه؟ سبحانه وتعالى. امال الودود هيعمل لك ايه انت ايه؟ هيملى قلوب الناس حب لك بس مش حب عادي بقى. قال لك كلمة كده قال لك حب بلا اسباب. وبلا سعي وبلا اكرام - [00:49:00](#)

يعني انا عشان اخلي حد يحبني لو واحد عايز واحدة تحبه يقعد يترسوم عليها ويعمل نفسه مش عارف ايه ويقعد يلعب كل الرياضات اللي بيعرفها قدامها الكل يعمل نفسه بقى ايه يمشي على ايديه. انما ايه عايز اللي قدامه ده يحبه. من غير ما تترسم على الناس هيجبوك. من غير ما تتكلف لهم هيجبوك. من غير - [00:49:20](#)

تبص له منظر واحد ساعات يبص كده بعض الدعاة مسلا او كده هو مش فاضي يبص لحد وتلاقينا كلنا بنحبه. يا عم طب بنحبه ليه؟ دي من عند ربنا بقى - [00:49:40](#)

الحب بلا اسباب. مش محتاج تجيب كتاب دل كارنيجي وتقعّد تذاكر. اه اتعامل ازاي ؟ وابص امتى هتلاقي الدنيا كلها بتحبك ؟ من عند الله سبحانه وتعالى ثم يوضع له القبول في الارض. شف ربنا لما بيحب ماذا لو احبك الله؟ الودود - [00:49:50](#)

المحبوب الودود اللي لو عرفته تحبه اوي وهي دي المشكلة اللي هتخلي فيه ناس لحم وشها يسقط من يوم القيامة لما تكتشف ربنا المصيبة لما ان ربنا بيودك وانت مش حاسس. ان ربنا كل يوم بيبعث لك - [00:50:10](#)

ميت رسالة ود وانت مش حاسس. فيه ناس وقفنا مع شباب في جولات يقول لك الدنيا زلماني ليه؟ ربنا عمل معي كده ليه؟ ياه يا

ربي مشكلة انه ما غرقان في ود الودود وهو مش حاسس. ما بيقراش ما بيتترجمش مش فاهم - [00:50:30](#)
ربنا عمل له ينام وما بيراقبش اصلا ما هوش مركز مع ربنا اصلا. هو مركز مع مع رغباته. مش مركز مع ربنا خالص. فمهما ربنا عامل له
ما هو شايف - [00:50:50](#)

حاجة للاسف الشديد المحبوب. عشان كده انت حب الله هو سر النجاة. بس مش حب ربنا ما علقش نجاتك على انك تحبه لا ربنا علق
نجاتك على انه يبقى الحب الاعزم في حياتك. قل ان كان اباؤكم - [00:51:00](#)

ابناؤكم اخوانكم ازواجكم عشيرتكم اموال اقترفتوها تجارة تخشونك ذاتها مساكن ترضونها احب اليكم من الله فتربصوا مش
القضية انك تحبه. قضية انه يبقى اعظم حب في حياتك. لا يا عمر. حتى اكون احب اليك من اهلك وولدك والناس - [00:51:20](#)
من احب اليك ها ان يكون الله ورسوله احب اليه مما سواهما. يبقى انت مش هتنجو لو حبيت ربنا. انت مش هتنجو الا لو ربنا بقى
احب حبيب لقلبك وحياتك. ساعتها انت جايب ان الحب ده اعظم عاطفة تغييرية في الحياة. الحب ده جاي من حبة. الحبة دي اللي
هي اصل كل شجرة - [00:51:40](#)

هو الحب ده اصل كل علاقة بينك وبين الله. مش هتدوق حلاوة الدين غير لو حبيت ربنا ان يكون الله ورسوله احب الي. ساعتها وجد
حلاوة الايمان هتلاقي الدين بقى حلو. هتلاقي الصلاة بقت حلوة. هتلاقي الصيام بقى حلو. مش هتبقى قل لي ايه اللي تبقى مع النبي
عليه الصلاة والسلام في الحشر بسببه. ايه العبادة - [00:52:00](#)

لو موت نفسك في الدعوة بالسبب. لو موت نفسك في العبادة بالسبب. لو السبب الوحيد انك تبقى معه في الحشر يحشر المرء مع من
احب. الحب الحب الحاجة الوحيدة اللي تخليك مع الرسول عليه الصلاة والسلام. في الفردوس الاعلى وفي الحج هو ده الحب الحب
هو سر نجاتك. الحب اتخذ الله ابراهيم خيرا - [00:52:20](#)

ليه؟ لاني احب الله تخلص في قلبه على حسب ما هتعامله على حسب ما هيعاملك. شف انت عايز ربنا يعاملك ازاى وعامله زي ما انت
عايز اذ ربنا يعاملك عشان كده سيدنا سليمان يدبح عشرين الف فرس عشان عطلته عن ذكر الحبيب ساعة. سيدنا يوسف الا تصرف
عني كيد - [00:52:40](#)

اليهن امين بس يا رب. سيدنا محمد لا ينام قلبي يا عائشة. ان عيني تنام ولا ينام قلبي. حب الله سيدنا ابراهيم كان هيبقى فحم
عشان ربنا وتله للجبين وقلب ابنه على وشه عشان يدبجه من ظهره عشان ما يتضعفش - [00:53:00](#)
طب منزل الدم وهو خارج من رقبة ابنه. لان ربنا احب اليه من الدنيا والي فيها. سيدنا موسى ولما جاء موسى لميقاتنا وكلم رب قال
ربي ارني انظر اليك ولما وكلما الواو ديت بتعيشك ان كل موقف لوحده عيشة ولما - [00:53:20](#)

فجاء الشوق اللي كان في قلبه وكلمه رب الفرحة اللي كانت في قلبه. قال رب ارني انظر اليك. الشوق الرهيب اللي كان في قلب
الصالحين لله سبحانه وتعالى والحب الرهيب اللي كان في قلب الصالحين لله. مهما اتكلمنا عن اسم الله الودود. عمرنا ما - [00:53:40](#)
فهنقدر نفهم او نحيط بمعاني سيجعل لهم الرحمن ودا. انا عايزك تخرج من الدرس دا قادر انك تقول اللهم اجعل لي ودا وقلبك دا
بيتزلزل. وانت فاهم يعني ايه وابدأ اجعل لي ودا املاً قلبي انس بك يا رب. يعني ايه يا ودود يا ودود؟ يعني يا - [00:54:00](#)

يا رب يعني ايه يا ودود يا ودود؟ يعني يا اللي بتحب عبادك الصالحين يا رب. يا اللي بتحب تتحب لنا بكل حاجة ونعمة يا رب يا
اللي ما بتسبناش في اي ازمة ولا زنة يا رب. يا اللي مش هتسيينا لا دنيا ولا قبر ولا قيامة. ولا موت ولا - [00:54:20](#)
اي لحظة صعبة يا رب. يا ودود في الجنة يا اللي هتغمرونا بودك في الجنة يا رب. يا ودود يا اللي بيني وبينك حبل عطاء حكم امر لا
يتوقف يا رب. يا بخط اللي هيقف على بابك ويقبل عليك بودك يا رب. عطاءات الودود للمقبلين عليه - [00:54:40](#)
يا ودود يعني يا صاحب العطف والحنان يا رب اجعل لي ودا املاً حياتي بعطفك وحنانك العطف يعني تكلم فيه ابن القيم ومجاهد
وتكلموا عن الله بخبر العطف عشان كده انا بقول كلمة العطف عن الله سبحانه وتعالى املئ حياتي بعطفك وحنانك يا رب -

[00:55:00](#)

اجعل لي ودا املاً قلبي انس بك يا رب. ما استوحشش في الحياة ابدًا. ولو عشت في صحرا لوحدي الف سنة لا استوحى عيش وانت

معي يا ودود اجعل لي ود اي معية ومصاحبة لا تنقطع ابدا يوم ولدت يوم يموت - 00:55:20

ثم يبعث حيا. يعني ايه يا ودود؟ كل ما اسيب عشائك ما تسينيش يا رب. يعني ايه يا ودود؟ احميني من الوحدة والوحشة. والامراض النفسية يا رب يعني ايه يا ودود؟ املئ حياتي وقلوب اللي حواليا بالحب والحنان معي يا رب. يعني ايه يا ودود؟ واديني عند موتي - 00:55:40

اديني في قبري واديني يوم القيامة. يعني ايه يا ودود؟ املئ حياتي بعباءاتك يا رب. يا ودود دي كلمة كبيرة اوي اوي اوي يا بخت من كان صاحبه راجل لأ. يا بخت من كان صاحبه الودود. اتخد الله صاحبا. اتخد الودود صاحبا. في النهاية. اخواني واحبابي في الله - 00:56:00

طبعاً عايزين نخرج بتوصيات. التوصية الاولى ادع ربنا بالودود كتير اوي. قل اللهم اجعل لي ودا. اللهم اجعل لي ودا يا ودود يا عش يا ابني عش يا ابني الاسم ده خسارة خسارة انك انت تشغل عنه بحاجة خسارة هيملى - 00:56:20 عليك حياتك. هيدخل عواطف ومشاعر في حياتك ما كنتش موجوده قبل كده. الحاجة الثانية روح صل بسورة مريم. عش عايز تعرف يعني ايه سيجعل لهم محمود سلم قلبك لصورة مريم اسبوع كده في قيام الليل. تفهم يعني ايه ود الرحمن؟ يعني ايه ود الودود سبحانه وتعالى؟ الحاجة الثالثة - 00:56:40

خليك وودود. خليك وودود مع مراتك. خليك وودودة مع جوزك. خليك وودود مع الناس. خليك وودود مع اخوانك. خليك وودود مع هي كلها اتعلم الود اللي يتصل بالودود يتعلم الود خليك وودود قال رسول الله صلى الله عليه وسلم لا خير في من لا يألف ولا يؤلف - 00:57:00

الودود ما بيعبش الانسان الانطوائي. الودود ما بيعبش الانسان الانعزالي. اوعى تفكر ان الانطوائية والانعزالية ده دين. ده ده مدة نفسي انت واخده عشان نفسيتك بتحبه. انما الودود ما بيعبش كده. الودود بيعب ان عبده يبقى وودود. اذا كان ربنا عملها مع البشر. انت ما تعملهاش مع البشر - 00:57:20

ربنا زي ما ربنا بيعب يتودد لعباده. ربنا بيعب اللي يتودد لعباده. وبالزات بقى لو عباده الصالحين. وبالزات بقى لو عباده اللي شغالين في نصرة دين الله. انك انت تتودد للصالحين. تودد لهم. الحاجة الرابعة ان اسم الودود بيخليك - 00:57:40 لك انسان عملي في تفكيرك. هو ليه ربنا ما سماش نفسه الحبيب؟ ليه سمى نفسه الودود مش الحبيب؟ لان الحب ده مشاعر. انا ممكن اكون بموت من الحب. عشان كده عند النصارى - 00:58:00

يقول لك الله ايه؟ ها الله محبة. الله محبة. انما مش الله وودود. وودود دي عندنا احنا. والله محبة واحنا عندنا الله محبة والدنيا بقى يا عم احنا عندنا اللي احسن من كده الف مرة. معزم الطلاق يقول لك انا باحبها بس مش فاضي. وانا باحبه بس مشغولة والعيال مطلعين رأي. الحب عواطف - 00:58:10

مهما كانت عظيمة. الود هو الترجمة العملية للحب في مواقف عملية. ان انا كل شوية اجيب لك هدية. اقول لك كلمة حلوة. اجيب لك وردة. ازورك يقول لك فلان دايم بيودني. دايم بيحي لي ودايم بيحي لي اكل ودايم بيزورني ودايم بيهادينني ودايم بيسأل عني. ودايم بيتصل علي وما بيسبنيش لوحدي لو عارف ان انا يقول لك - 00:58:30

يودني وده الودود. يبقى ربنا لما سمى نفسه اسم عملي. مش اسم على آآ المشاعر بتاعتنا بس. حب لأ سماه نفسه الودود مش الحبيب. لان ربنا بيعب العملي. الانسان العملي. يبقى انت كمان خلي علاقتك بربنا علاقة عملية. وان ليس للانسان الا - 00:58:50

ما سعت بس ايه دي الوحيدة تغير حياتك. وان ليس للانسان الا ما سعى. ما لكش عند ربنا غير اللي انت سعيتك انما هي اعمالكم اللي بيني وبينك من شغلك. اللي بيني وبينك انما اقوى اداة قصر في اللغة. انما هي اعمالكم. خليك انسان عامل - 00:59:10 الودود بيعلمك انك تبقى انسان عملي وانت بتتعامل مع ربنا. لان ربنا بيعب الانسان العملي. مش اه وانا ندمان على زنوبي وانا مش عارف ايه وانا حاسس اني مش لاقى قلبي ولا حاسس ماشي يا عم كل ده كلام جاي من ايه اللي بعد كده ايه بقى؟ كل ده في حد

زاته قيمته في العبادات اللي هيخليك تعملها - 00:59:30

انما انا وقفت عند هنا هو ايه ده! هو الدين مشاعر! الدين اعمال سالحة! وده اللي بيعلمه لنا اسم الله سبحانه وتعالى. الودود آآ حلم حياة اللي يعرف الودود ان الودود يعامله. طب والودود الود الخاص ده مبني على ايه؟ يعني ربنا يوديني ليه بقى؟ ربنا يديني كل ده ليه بقى - 00:59:50

يديني الناس ويقف معي وحبل العطاءات المنهمر والعطف والحنان والحب والحب في قلوب الناس هو يحبني ويتحبنى لي وما يسبنيش لوحدي كل ده ليه بقى؟ وفي الجنة وفي القبر وفي الموت وفي القيامة كل ده ليه بقى؟ الودود بقى يديني كل ده ليه؟ - 01:00:10

هذا عطاء الله لاحبابك. فيه اسماء ربنا مديها للناس كلها. اسماء لكل الناس. ها وفيه اسماء خاصة. الودود هو عطاء الله لمن احب الله للي ربنا بيحبهم. عشان كده قضيتك ان ربنا يحبك. عشان كده فازا احبته هي دي البوصلة بتاعة قلبك. لو ربنا حبك انطلق - 01:00:30

اواخي في الطريق الى الله بعد كده. قضيتك ان ربنا يحبك. اقبل عليه. ضحي عشانه. ربنا بيحب اللي يضحى عشانه. تحبب الى الله ولا يزال عبدي يتقرب تقرب الي بالنوافل هتندم يوم القيامة على كل ساعة ضيعتها من عمرك. هتندم يوم القيامة لما تعرف ان كل ساعة من عمرك كانت فرصة انك تقرب من الودود - 01:00:50

وتكسب وده وتكسب صلتك به. هتندم. هتندم على عمرك اللي بيضيع وبيتسر من بين ايديك. وانت مش حاسس بقيمته زي الصبر قابل قعد يتسرب كده وفي الاخر انت ما خدتش حاجة في ايديك. كيف تصل الى الودود التوبة وهو الغفور الودود. الودود جت بعد الغفور - 01:01:10

استغفروا ربكم ثم توبوا اليه ان ربي رحيم ودود. جت بعد التوبة. يبقى عايز الودود يعاملك توب له. واستغفر له كثير اوي. وجدد التوبة معه اقبل عليه واقبل على الله سبحانه وتعالى من تقرب الي تقربت منه. اللهم يا ودود يا ودود اللهم اجعل لنا ودا يا ودود - 01:01:30

اللهم اجعل لنا ودا. اللهم صمنا بودك. اللهم افض علينا من كرمك. اللهم تولى امرنا يا ودود. اللهم تولنا امرنا يا ودود. اللهم اضئ قلوبنا يا ودود. اللهم اشرح صدورنا يا ودود. اللهم ارزقنا عبادة المناجاة - 01:01:50

ودود اللهم افتح علينا بما فتحت به على عبادك الصالحين. اللهم افتح علينا يا ودود. اللهم صلنا بود اللهم اغبرنا بكرمك. اللهم اجعل لنا ودا يا اقرب قريب. ويا احب حبيب. يا سندنا - 01:02:10

يا ذخرن يا املنا الوحيد ويا ركننا الشديد يا ودود يا ودود يا ذا عرش المجيد يا فعال لما تريد. يا مغيث اغثنا. اللهم اغثنا اللهم اغثنا بلطفك. اللهم اغثنا بكرمك. اللهم اغثنا بعطائك يا ارحم الراحمين - 01:02:30

اللهم اجعل لنا ودا يا ودود. اللهم املأ قلوبنا بالانس بك. اللهم اغبرنا بعطفك وحنانك يا رب. اللهم افض اين من تعطفك وتحننك يا رب. اللهم املأ قلوبنا حبا لك وثقة بك واقبالا عليك - 01:03:00

وانابة اليك يا رب العالمين. سبحانك اللهم وبحمدك. اشهد ان لا اله الا انت. استغفرك واتوب اليك. ما تنسوش اخواني واحبابي في الله درس الدكتور احمد عبدالمنعم في مسجد اه البدر على اول الشارع على طول بعد صلاة العشاء. يعني الدرس هنا مغرب الجمعة ودرس الدكتور احمد عبدالمنعم - 01:03:20

عشاء الجمعة. عشاء الايه؟ الجمعة. يعني بعد الدرس هنا على طول كده ان شاء الله بازن الله تتوكلوا على الله كده واياه تتودوا الى الله بحضور الدرس ده. ما تنسوش درس الشيخ علي قاسم يوم التلات - 01:03:40

المغرب يوم التلات المغرب في مسجد مكة. متفرع من احمد ماهر. متفرع من احمد ماهر. الشيخ علي قاسم بيدي درس عن الثبات. ازاي تسبت على الطاعة؟ ازاي تسبت على الدعوة ازاي تسبت على التوبة؟ ازاي تبقى انسان سابت في حياتك؟ ان شاء الله بازن الله في مسجد مكة متفرع من آآ منتصف شارع احمد ماهر. سبحانك اللهم - 01:03:50

بحمدك اشهد ان لا اله الا انت استغفرک واتوب اليك - 01:04:10